

Tujuan Berumah tangga Menurut Panduan Islam

(Oleh: Abdul Rahman Yaakob)

Salah satu daripada sunnah atau peraturan yang berlaku dalam kehidupan masyarakat manusia dan tidak kurang kebesaran erti dan ketinggian nilainya dengan sunnah atau undang-undang alam yang lain-lain, ialah “peraturan perkahwinan”.

Peraturan perkahwinan itu adalah merupakan salah satu peraturan alam yang mengekalkan keturunan manusia dari zaman ke satu zaman. Hal itu berlaku setelah didahului pula bahawa tiap-tiap lelaki atau perempuan dijadikan oleh Allah ‘azza wa jalla sedia tertanam dalam tabiatnya keinginan dan daya penarik suka hidup bercampur gaul.

Siapakah di antara sahabat Ansar yang utama?

Jawabnya ialah

Sa‘ād Bin Mu‘ādh

Bangsawan kabilah Aus yang pertama yang banyak jasanya kepada Islam: Perjuangannya, hidupnya, dan matinya semata-mata kerana Allah.

“Kematian Sa‘ād Bin Mu‘ādh adalah satu kehilangan yang sangat besar bagi kaum Muslimin”- kata ‘Ummu al-Mu‘minīn ‘Āishah.

Perjuangannya? Baca sejarahnya dalam buku ini.

Sejarah Syuhada Islam 5.

Senaskhah hanya 50 sen pos

10 sen.

Tabiat itu dijelaskan oleh al-Qur‘ān al-Karīm maksudnya: “Dan di antara tanda-tanda kekuasaan-Nya (Allah Ta‘ala), ialah menjadikan bagi kamu pasangan (rakan hidup), supaya kamu dapat hidup tenteram dengannya, dan dijadikan bagi kamu sifat kasih sayang. Sesungguhnya hal yang demikian itu menjadi keterangan bagi kaum yang mahu berfikir”.- 21, al-Rūm.

Dalam firman tersebut, kita dapati kalimah “*āyatin*” yang bermakna “tanda” atau “alamat-alamat” yang menunjukkan kekuasaan dan kebijaksanaan Allah *subhānahu wa Ta‘ālā*. Kalimah yang seperti itu kerap kali kita jumpai dalam kitab suci al-Qur‘ān dengan makna peringatan kepada manusia supaya mereka memerhati dan memikirkan bersungguh-sungguh akan perkara-perkara besar yang telah dijadikan oleh Allah ‘azza wa jalla.

Hal itu menunjukkan bahawa sunnah atau peraturan perkahwinan itu tiadalah kurang besar dan utamanya, dan demikian pula tentang ketinggian nilainya dengan sunnah atau peraturan alam yang lain-lain seperti kejadian langit dan bumi, perbezaan siang dan malam, perbezaan bahasa dan warna kulit di antara bangsa-bangsa yang ada di dunia ini, demikian juga dengan air hujan yang diturunkan dari langit untuk menghidup dan menyuburkan bumi yang kering kontang, angin yang berhembus, dan awam yang berarak-arak di antara bumi dengan langit.

Di dalam al-Qur‘ān al-Karīm telah dijelaskan tentang tujuan dan faedah perkahwinan itu, iaitu dijadikan oleh Allah ‘azza wa jalla suatu nikmat yang besar bagi manusia.